

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 12.12.2017թ. թիվ 1707282823 որոշումն անփոփոխ, իսկ վարչական բողոքն առանց բավարարման թողնելու մասին

<<12>> 02 2018թ. 174-1693-18/17-4-1755

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Լևոն Գրիգորյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Վ.Համբարձումյան փողոցի 16 շենքի 52 բնակարանի բնակիչ Լևոն Գրիգորյանը դիմումով իր անհամաձայնությունն է հայտնել Ճանապարհային ոստիկանության վարչական տույժ նշանակելու մասին 12.12.2017թ. թիվ 1707282823 որոշման վերաբերյալ՝ նշելով, որ իր կողմից վարած տրանսպորտային միջոցով կանգառ կատարելը չի գերազանցել 1 րոպե ժամանակահատվածը:

Դիմումի քննարկման արդյունքում պարզվել է, որ դիմումատուին վարչական պատասխանատվության ենթարկելու մասին որոշումն օրինական է և հիմնավոր, քանի որ իրավախախտումն ամրագրած տեսանյութի լրացուցիչ ուսումնասիրությունից պարզվել է, որ 02.12.2017թ.-ին՝ ժամը 15:35-ին դիմումատուի կողմից վարած տրանսպորտային միջոցը Երևան քաղաքի Աբովյան - Պուշկին փողոցների խաչմերուկի հատվածում տեղակայված է ՀՀ կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>> թիվ 955-Ն որոշմամբ սահմանված՝ 3.27 <<Կանգառն արգելվում է>> ճանապարհային նշանի ազդման գոտում: Միաժամանակ դիմումի շարադրանքից հետևում է, որ դիմումատուն ամբողջությամբ չի ուսումնասիրել վարչական տույժ նշանակելու մասին որոշումը, քանի որ Ճանապարհային ոստիկանության վարչական տույժ նշանակելու մասին 12.12.2017թ. թիվ 1707282823 որոշմամբ՝ **վերջինս վարչական պատասխանատվության է ենթարկվել ոչ թե Վարչական իրավախախտումների վերաբերյալ ՀՀ օրենսգրքի 124-րդ հոդվածի 21-րդ մասով, այլ 124-րդ հոդվածի 1-ին մասով:**

Այսպիսով ակնհայտ է դիմումատուի կողմից ճանապարհային երթևեկության կանոնի խախտում թույլ տալու փաստը, ինչի համար Վարչական իրավախախտումների վերաբերյալ ՀՀ օրենսգրքով սահմանված է վարչական պատասխանատվություն:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասի 12.12.2017թ. թիվ 1707282823 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Լևոն Գրիգորյանին և ՃՈ ՏՄՀԽԱ կենտրոն:



Ե.Կարապետյան